

¡BOMBA!

Es señal para el que entienda cómo es la continuidad; brinda más seguridad no hacer cambios en Hacienda



K'uintsil

Miércoles 5 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2248 · www.lajornadamaya.mx

Junioe' tu bin u káajal yéetel jump'íit ja' ts'o'oke' láayli' jach ooxole', ku ya'alik ajxaak'al máako'ob

Tu jo'olaj ka'ap'éel winal káajak u k'iinilo'ob tu'ux táan u jach táaj beetik ooxol tu péetlu'umilo'ob Méxicoe', ts'o'ok u piitmáan le beyka'aj yáax jeets'el u maas jach ooxolil u'uya'an te'el kaajo'obo'; ts'o'okole' táan u yila'ale' junioe' láayli' beetik jach chokoj k'iinil kun jmáan.

Yóok'olal u k'iinilo'ob tu'ux táan xan u jach t'áabal k'áak' te'el k'áaxo'obo', te'el ja'aba' ts'o'ok u náakal 4 mil 650 u p'éel tu'ux eelja'an ba'al yéetel ts'o'ok u k'askúuntik 352 mil 928 ektaareasil; ti' le je'elo'obo' 51 mil 680e' u k'áaxilo'ob Guerrero.

U kúuchil Meteorede' táan u yilike' u winalil junioe' tu káajal yéetel u jach p'íitil cháak. Beyxan tu ya'alaje', láayli' kun u'uybil ooxol yóok'ol 45 grados Celsius tu péetlu'umilo'ob: Sinaloa, Guerrero, Nuevo León, Tamaulipas, San Luis

Potosí, Veracruz, Tabasco, Campeche yéetel Yucatán.

U kúuchil Servicio Metereológico Nacionale' tu ya'alaj u yáax k'a'amkach cháakil le k'iino'oba' yaan u yáalka'ab yóok'ol u Gofoil Tehuantepec ti'al u k'uchul tu jáal ja'ilo'ob Guerrero, lo beetike' ma' xaan ka k'áaxak ja' te'el noojol-noojol lak'in u noj lu'umil México.

Beey túuno', Comisión Nacional Forestal (Conafor) tu ts'áaj k'ajóoltbile' tu winalil enero tak tu k'iinil 23 ti' mayoe', yaan 4 mil 650 u p'éel tu'ux jt'áab k'áak' ti' u 32 u p'éel péetlu'umilo'ob México, ts'o'oke' lelo' tu beetaj u k'astal 352 mil 928 ektaareas.

Tu tsolaje' péetlu'umo'ob tu'ux maas jach u'uya'ab u yajil tooke': Oaxaca, Jalisco, Guerrero, Chiapas, estado de México, Durango, Sinaloa, Michoacán, Nayarit yéetel Puebla, tu'ux yanchaj u 85 por sientoil tuláakal le k'áak' t'áabo'.

ANGÉLICA ENCISO L

